

○歷朝憲章類誌卷之二十五

潘輝注著

△禮儀誌

○進尊冊封之禮

●加尊太尊太妃金冊儀

前期府僚奉旨加尊祖母太妃爲太尊太妃。仍照金冊徽旨事例謹啓具本奏至日傳司天監擇日。

付下奉行金冊該重十二兩釘爲六張每張直五寸二分濶三寸五分。鑄字五行副金冊用金簽畫。

龍釘張依樣寫字徽旨用銀鑄差官奉行冊交付翰林院擬撰東閣濶色至日司禮監設冊案于萬壽殿之東儀禮司設遮蓋黃傘一把于冊案之左右教坊司設大樂于殿庭之東稍北興禮一員。

傳制一員用東閣官舉冊四員并立于丹墀之東捧冊一員用序班官並立于丹墀之東稍南儀制一員用文武三大官立于

殿庭之右

稍南

閣門四員二員立于殿庭之左右二員立于講庭之左右文武百官各具本爵品服

立候于講庭朝參朝謁官立于講庭外之左右執事各員先進立于萬壽殿庭右邊

皇上御衝天冠

黃袍玉帶御出奉召御前行五拜三叩頭禮

趨出前位立各司其事大臣文武進入萬壽殿左右立

朝參朝謁官序立于講庭外之左右皇上陞座閣門司禮唱排班班齊

樂作五拜三叩頭興平身百

官分班侍立序班四員舉冊案置于御道中畢二員趨出左邊立二員趨出右邊立

典禮官唱傳制傳

傳制官就御道中跪奏傳制訖俯伏仍跪司禮監官各趨出至東立于百戶擎捧黃傘夾案遮設傳

制官趨東邊立引贊二員引捧冊官就御道中傳制官稱有制引贊唱跪傳制官宣云

皇上制曰今

冊王祖母太妃某氏。尊號爲太尊太妃特命卿等賚冊行禮。宣畢。傳制官再捧制就御道中跪遶。司禮監官接受。傳制官趨出前位立。引贊唱脩伏五拜三叩頭。興平身唱跪。司禮監官取冊授捧冊官。跪受畢。興引贊引捧冊官由殿庭右門出。儀制司就御道中跪奉禮畢。皇上御達宮百官以次趨出。至三門外。捧冊官置冊于案。設樂前導遶行儀而行。賚諸王府行禮如儀。前日內侍設太尊太妃位。于宮中座前下帷。又設冊案于香案前。司禮番官設案于堂庭正中。設冊案于香案之前。設玉上拜位于冊案之前。是日早。兵番官整甲士儀仗排插于府庭兩邊。俟冊案將至府門外。侍內騎太尊太妃具禮服或各色服出宮中立。王上御衛大冠紫袍玉帶出堂上東邊立。冊案至府堂東邊門入。輦過內庭。至堂庭置于正中。捧冊使取於龍亭。捧入王上陛階迎立。冊使就堂中置于案上。王陞階入立。禮部宣冊官立于冊案右。典禮使稱奉制授太尊太妃金冊。稱訖。立于冊案之東。內使官入太尊太妃宮中言訖。出復立。贊禮官啓就拜位。王上就拜位。啓鞠躬四拜。興平身。典禮官唱宣冊文。贊禮官啓跪。宣冊官以冊副立宣于王上之右。宣畢。復以冊仍置于案。贊禮官唱脩伏。興平身。禮官唱受冊贊禮官啓跪。捧冊官取金冊于案。跪授于王上之右。王上受加額。授內官捧入宮中。置于案。贊禮官啓脩伏。興平身。鞠躬四拜。興平身。禮畢。太尊太妃於宮中詣冊案前行四拜禮。內侍取冊授太尊太妃。太尊太妃受加額。以冊授女官。捧置寶匣。畢。女官啓太尊太妃升正座。內侍傳出玉上拜賀。次王親並詣拜賀。次文武百官並列宮庭拜賀。畢。太尊太妃御入宮中。宮人行拜賀禮畢。擇日整禮撰文謁宮廟。差官拜謁太廟。拜謝皇上。

卷二十五 禮儀誌

進尊冊封之禮 進尊太妃金冊儀

百〇八

按歷朝王母。唯晉光王妃張氏。嘉林如京人仁王之母。順王之祖母。恭享遐齡。至順王朝膺受太尊金冊。其後恩王妃阮氏亦登冊壽。青池荅塘盛王之母端王之祖母。至端王朝追尊太尊鄭家八代。而太尊金冊之禮僅見其二蓋亦可見貴壽之難兼也。他如陽王之妃鄭氏。雷陽盛美人。保養嘉宗尊封國太母。仁王之妃武氏。廣安郡聖人。保養懿宗封國聖母。蓋以王妃之貴。保護皇子。德意素孚。故榮受徽稱。亦未爲甚失。至於盛王之朝太妃阮氏於皇家別無舊恩。且少皇齡三歲。而廷臣阿媚。亦請援例尊爲國聖母。甚至金冊之文曰皇上謹上言。則其名位顛倒。一至於此。可勝嘆哉。因附見以備考云。

▲進尊太妃金冊儀

前期府僚官撰啓奉慈宮進尊爲太妃。恭奉允照金冊行儀懿旨事例。謹啓具本奏知。傳司天監擇日付下奉行金冊該重十二兩釘爲六張。每張直五寸二分。闊三分五分。鑄字五行。副金冊用金篆。鑄龍釘張。依樣寫字。行儀紫花蓋四把。團扇畫龍二把。轎一座。蓬幕千間。並用朱漆金鑲欄杆。用象牙紅鞭三百把。兩頭金鑲懿旨用銀鑄。並差奉行冊交付翰林擬撰。東閣潤色。其奉寫金冊。并書懿旨。並考擇善書。又備計大臣文武百官捧金冊典儀宣冊宣制各一員。引贊二員。仍預差官祭告天地廟殿諸尊位。其預告又清四鎮殿廟諸尊位。及各神祠寺觀。傳三司官領奉領錢買辦禮物奉金行禮。執事文武官預前備啓恭進賀禮。至日早司禮監官設冊案于萬壽殿之東。儀制司設遮蓋贊傘二把于冊案之左右。教坊司設大樂于殿庭之東。稍北典禮一員。用尚書官傳制一員。用詹閣官舉冊案四員。用序班官並立于丹墀之東。捧冊一員。用大臣引贊二員。用序班官並立于殿庭之東。稍南儀制一員。並立

于講庭之左右。大臣文武百官各具本爵品服立候于講庭。朝參朝謁官立于講庭外之左右執事各員先進立于萬壽殿右邊。皇上御衝天冠黃袍玉帶御出奉召詣御前行五拜三叩頭禮趨出前位立各司其事。大臣文武百官入萬壽殿左右序立。朝參朝謁官並立于講庭外之左右。皇上御陞座。閣門唱排班班齊。樂作唱鞠躬五拜三叩頭興平身百官分班侍立序班四員舉案置于御道中趨出左邊立。典禮官唱傳制傳制官就御道中跪奏傳訖俯伏仍跪司禮監官捧制授傳制官傳制官捧授司禮監官捧置于案。司禮監官各趨出靠東邊立千百戶擎捧黃傘夾案遮護傳制官趨出靠東邊立引贊二員引捧冊官就御道中傳制官宣云。皇上制曰今冊王親母某氏爲尊號某氏太妃特命卿等賚冊行禮宣畢傳制官再捧制就御道中跪進司禮監官接受傳制官趨出前位立引贊唱俯伏五拜三叩頭興平身唱跪司禮監官捧冊授既授畢興引贊引捧冊官由殿前左門出儀制引就御道中跪奏禮畢皇上御還宮百官以次趨出至三門外。捧冊官置案鼓樂前導捧冊進行儀而行賚詣王府行禮如儀。前一日內侍設太妃位于宮中。座前下帷又設冊案于座前。司禮知番設香案于堂庭正中設冊案于香案前設王上拜位于冊案之前是日早兵番整甲士儀仗排插于府堂庭西邊候冊案將至府門外內侍啓太妃具禮服出堂中立王上整衝天冠紫袍玉帶出府堂中東邊立冊案至府堂門外由府堂東邊門入至堂置于正中。捧冊使取冊於龍亭捧入王上陞階迎立冊使就堂中置于案王上陞階立禮官宣冊官並立于冊案之左。典禮使稱今奉冊制授太妃金冊稱訖退立于冊案之東內使入宮中言訖出復位贊禮官啓就拜位王上就拜位啓鞠躬四拜興平身禮官唱宣冊贊禮官啓跪宣冊官以冊副立宣于王上之右宣畢復以冊仍置于案贊禮官

卷二十五 禮儀誌

進尊冊封之禮

欽頒郡上主銀冊儀

百〇十

啓俯伏。興平身禮官唱受冊。贊禮官啓跪。捧冊官取冊于冊案。跪授王上之右。王上受加額。授內侍大臣捧入宮中。置于案。贊禮官啓俯伏。興平身禮官唱受冊。畢太妃詣冊案前行四拜禮。內侍取冊授太妃。太妃受加額。以冊授女官。捧置寶匣。受畢。女官啓太妃陞正座。內侍傳出。王上拜賀畢。太妃御入宮。宮人行拜賀禮畢。擇日整禮。撰文謁宮廟。差官拜謁太廟。拜謝皇上奉上進謝恩禮。金子一笏。沙牢一隻。生物十匣。謁宮廟告辭。今奉冊命封爲太妃於本月日祇受訖。謹奉謁禮謹告。

◎欽頒郡上主銀冊儀

本月日官預設郡上主受冊位于宮中。設冊案于受冊位之北。設香案于冊案之前。宣冊一員。用內官授冊一員。用女官並立于冊案之左右。待候是日早。司禮監設冊案于丹墀之東。設彩輿於丹墀之左。教坊司設雅樂。儀衛司設儀仗。如朔望儀。皇上御敬天門。百官照次入班。行五拜三叩頭禮畢。分班侍立。冊使具服入就拜位。贊禮官用翰林官唱四拜。興傳制官用翰林官跪奏傳制執事四員。用序班官捧冊案於御道中。傳制官稱有制。引贊唱跪。冊使跪。傳制官宣曰。本年本月日冊郡主某氏爲某上主。命卿等詣府行禮。贊禮官唱俯伏。四拜畢。司禮監官捧冊置彩輿中。傘蓋鼓樂迎入府中宮門外。捧冊未至之前。內官詣郡主。候迎宮門之右。冊至府庭。冊使捧冊授內官。冊使於外庭待命。內差捧冊於宮中入。郡主隨至拜位。內官取冊置于案上。贊禮官唱四拜。唱宣冊。內官取冊立宣于郡上主之左。宣畢。內官取冊授郡上主。郡上主以冊授于右旁受冊女官。女官出前位立。贊唱四拜。禮畢。內女官由中宮門出。報冊使官禮畢。郡上主於宮中詣王上前行謝恩禮四拜。又詣太妃前行謝恩禮四拜。

★欽頒郡主銀冊儀

前一日郡主家嫁預設冊案于前堂正中。設拜位于冊案之前。是日早司禮官設彩輿于萬壽殿庭正中。冊進入殿庭。司禮監捧冊置彩輿內。請旨授封。冊使詣彩輿前行五拜三叩頭禮。跪。司禮監以冊授冊使。冊使接受。由左門五端門外置彩輿行至郡主第門。郡主出迎于門東向西立冊。至郡主先入。內冊使捧冊就堂前置于案上。冊使宣冊官立于案之東。侍女分左右立。郡主內出拜位。行四拜。仍立宣冊官用翰林官就案取冊。立宣于郡主之右。宣畢。仍置案上。郡主行拜禮。宣冊官自案上捧冊立宣於郡主右傍。授侍女。侍女跪接。轉授郡主受捧加額。轉授左傍侍女。郡主行四拜禮。冊使執事各出堂。郡主就府詣王上前行謝恩四拜禮。

●欽頒昭儀媛銀冊儀

本月日內官預設貴嬪受冊位于宮中。設冊案于受冊位之北。設香案于冊案前。宣冊一員用內官內贊一員。用內官受冊一員。用女官並立于冊案之左右。預候是日早。司禮監設冊案一於丹墀之東。設彩輿一於丹墀之左。教坊設雅樂。儀衛司設儀仗。如朔望儀。皇上御敬天門。百官照次入班。行五拜三叩頭禮。畢分班侍立。冊使具朝服入就拜位。贊禮用翰林官唱四拜。傳制官用鴻臚官跪奏。傳制執事四員用序班官捧冊案置御道中。傳制官稱有制。贊唱跪。冊使跪。傳制宣制曰。日本年本月本日冊王宮嬪某氏爲某官命卿等詣府行禮。唱俯伏興四拜禮畢。司禮捧冊案置彩輿中。傘蓋鼓樂迎至府中行禮。如儀。按古制封拜婦人之事。出諸王后周禮世婦。凡王后有拜事於婦人。則詔相蓋。后治其內。公卿以下之命婦屬於六官。凡陰禮封爵皆由此出。而天子不必親焉。所以辦内外之治。而尊朝廷之體。

也。後世內治之政與古違異。命婦封爵非復統之中宮。而我越黎朝自中興以來。禮典尤多舛謬。王府郡主昭儀之封必于天子臨朝。當廷傳制。則其瀆上褻禮殊非所以尊命令矣。

△追封諸禮

◎追尊王位妃位金冊禮

前期府僚官奉旨議追尊王位妃位美字金冊。仍奉擬本位追尊本美字王。本尊位追尊本美字妃。并金冊奉事儀衛備啓。恭奉御允隨卽具本奏知準允。仍傳司天監擇日付下奉行王位金冊重十二兩。釘爲六張。每張直五寸二分。闊三寸五分。鑄字五行。副金冊用金箋畫龍釘張。依樣寫字。奉事儀衛傘紫色六把。兩軸蓋紫色六把。妃位金冊副金箋同。差官奉行冊文付翰林院擬撰。東閣潤色。又謹啓預擇奉捧資金冊各一員。預差奉迎官兵整飭旗幟器械。排插衢路兩邊及端門外。其香案。香爐。紗傘。儀仗。盛匣黃袍。與置冊案一件。置端門外。禮番一齊整辦。至日早。司禮監設冊案于丹墀之東。儀衛司設遮蓋于丹墀之左右。同文雅樂置大樂于丹墀之東。稍北 典禮一員。用鴻臚官 立于丹墀之東。稍南 儀衛司一員立于丹墀之左。稍南 閣門四員。二員立于丹墀之左右。二員立于端門外。鼓初發。文武大臣百官各具本爵品服。立于端門外。朝參朝謁官立于乾元門內。鼓次發。執事各員先進入萬壽殿庭。奉皇上御駕行五拜三叩頭禮。趨出各司其事。鍾初發。大臣文武百官進入丹墀左右序立。朝參朝謁官進入端門外左右。奉皇上詣視朝殿陞座鐘音止。閭門唱排班班齊。以下。唱鞠躬五拜三叩頭。平身唱百官分班侍立。序班舉冊案置于御道中。趨出左邊立。司禮監捧金冊置于案上。千百戶擊捧黃蓋夾案遮護。禮官唱傳制。傳制官就御道中跪奏。傳制俯伏仍跪。外唱同

司禮監官捧制授傳制官接受。興趨出靠東邊立。引贊二員引捧冊官就御道中。傳制官稱有制。引贊唱跪。捧冊官跪。傳制官宣畢就御道中跪進。司禮監接受。傳制官興趨出前位立。引贊唱俯伏五拜三叩頭。興平身唱跪。司禮監捧金冊授捧冊官各訖。由殿庭左門出。儀衛司就御道中跪奏禮畢。皇上御還宮。百官以次趨出。捧冊官置金冊于案上。百官前導奉迎官兵前後左右以次趨行至宮廟庭中。捧冊官捧金冊各置于案上。其案二件禮番預先設于宮殿廟中行禮如儀。其有奉迎官兵并行儀帽傘紅杖奉入宮廟庭兩邊侍立。禮番官奉入侍令訖。奉傳奉命拜官與執事等官行禮。儀節就拜位參神鞠躬四拜興隨節次鼓樂上香跪俯伏興二拜興平身宣金箋俯伏興二拜興平身亞獻跪奠酒各位同俯伏興平身終獻禮跪奠酒各位同俯伏興平身焚箋祝辭神鞠躬四拜興平身禮畢頒銀子寄拜奉侍副奉差侍內官遞金冊入奉迎官兵儀衛紅杖各出。文武官以次趨出。奉賚捧冊同執事官就公店候

▲追尊封金冊儀

本月日太早。司禮監設冊案于丹墀正中。兵番官設置冊案于府堂右邊東向。又設置冊案于香案前正中。是日早。百官各具本爵品服。進入丹墀分班立。司禮監捧金冊金箋箱出置于案上。捧冊使就案前行五拜三叩頭禮。跪。司禮監取金箋授捧冊使捧出。百官從行至三門外。冊使官與奉迎官置于案上。奉諸府百官前導冊案至府堂庭中。奉迎官取冊箋置于右邊案。奉命行謝恩五拜三叩頭禮畢。仍捧冊箋置于香案行焚黃禮如儀。

●詔贈貴妃金冊儀

本月日議禮官預于貴妃祭堂庭設置香案一于右邊東向。一于香案前正中副使員自將冊案儀衛兵仗于內殿三門外候迎。是日早司禮監設置冊案于萬壽殿庭正中設遮蓋于冊案之左右冊使進入殿庭。司禮監捧金冊金箋箱置于案上。冊使就案前行五拜三叩頭禮跪。司禮監捧冊箋授冊使捧出遮蓋隨護至三門外置于案上。詣貴妃祭堂冊使從行至祭堂庭中冊使捧冊箋置于庭前右邊案上。貴妃親屬一人青吉衣條帽詣前行謝恩五拜三叩頭禮護禮一人青吉條帽置冊箋于香案前之東行焚黃禮如儀仍使員目款接冊使于別堂。

▲祭告禳誓之禮

★社稷壇

風雨雲雷壇
高禖壇

李太宗天聖感武二年九月立社稷壇于長廣門外四時祈穀。

仁宗龍符五年春祈高禖。

按禮社土神稷穀神其壇在國都之右高禖先禖之神祀在南郊禋祀上帝則配之蓋惟主祿除誕孕之事故月令二月至日以太牢祭于高禖天子親往后妃帥嬪御禮天子所御于壇前然其並配上帝則禮幾於褻先儒蓋已論之矣是禮也惟李有之陳黎而後史不復見意亦以其藝賈而省之歟。

黎太宗紹平二年二月戊申祠社稷。
黎仁宗太和七年初立都大城隍祠及風雷雲雨壇以時祭祀。

按古有風師雨師二位。唐始加以雷師。至明初復增以雲台爲一壇。又立京都土城隍祠。皆前代所未嘗祀者。鑿初壇祠所祭。蓋皆用明之典也。

◎壇祭儀註

執事官各具朝服冠帶。是日就壇行禮。奉命官就拜位四拜。興平身。瘞毛血。詣盥洗所盥洗。詣神位前奠帛。行初獻禮。酌酒跪俯。興平身。詣讀祝位。跪讀祝。俯伏二拜。興平身。詣飲福位。跪飲福二拜。送神鞠躬四拜。興平身。讀祝官捧祝。奠帛官捧帛。各詣燎所焚畢。唱禮畢。

▲先農壇

黎聖宗洪德十五年。立先農壇在清潭縣紅梅社高七尺。濶三十六尺。座處四圍土墻以爲祀所。中興後。王府御祭歲以爲常。

◎祀禮儀註

前一日。禮番啓齋事。是日太早。壇使排插祭器禮物。設上香位席一座。拜位席一座于壇所。設兩案于上香位之東西。設香盆于西案。設爐于東案。設盥洗于拜位之東。同文雅樂二署。設樂器于壇之東。百官各具本爵品服于壇所。候執事各具服先進入各司其事。王上御至更服大次。權御乃御衡天冠紫袍玉帶。進至壇內。通贊唱陪拜官各就位。導唱二員。啓詣拜位。仍奉贊至拜位。立典儀官唱瘞毛血。執事捧毛 唱迎神。導贊官啓鞠躬四拜。樂作 興平身。外通贊 唱同。啓詣盥洗。啓帨巾。執事以巾帨進 啓詣香案。前啓跪啓上香。捧香爐香盆 二員跪進。啓俯伏。啓興平身。樂止 典禮官唱奠帛行。初獻禮。樂作 導贊官啓跪獻帛官跪。

卷二十五 禮儀誌

祭告禳誓之禮 百神祭禮

百十六

獻帛獻爵官跪獻爵。導贊官啓俯伏興平身。樂止典儀官唱宣祝。導贊官啓跪通贊唱百官皆跪。樂作導贊啓俯伏啓興啓拜。凡二興平身。外通贊唱同。樂止。典禮官唱行亞獻禮。樂作導贊官啓跪獻爵。樂作導贊官啓俯伏興平身。樂止典儀官唱行終獻禮。樂作導贊官啓跪獻爵官跪。樂作導贊官啓跪。樂作導贊官啓鞠躬拜。凡四啓興平身。外通贊唱同。樂作。典儀官唱捧祝帛各就燎所。導贊官啓禮畢。通贊唱同。府尹官奉行耕籍禮。導贊官啓還更服大次。王上至更服次權御升轎侍衛將士扈從還府。

按古者天子以元日祀帝南郊配以后稷行祈穀之禮。既乃親耕籍田。我越季朝以前猶循古制。每春首天子出郊行耕籍。自陳而後舊典廢壞。黎初遵明禮制。以春合祀天地。則於耕籍之日惟祀后稷而不復祀上帝矣。然光順洪德年間。天子猶親行禮。率羣臣耕。尙爲不失古制。迨中興而後。鄭主臨壇代天子事。而耕籍之禮特委府尹奉行。則是徒爲具文。非復有古人重農之意矣。

△百神祭禮

黎神宗慶德四年定春祭。禮物例令上下中等諸祠或一總或二總或三社應祭一祠。縣官轉送社民預先買辦牛羊豕對盤各物。依國朝祭例齊整。將到本祠至日。府縣校官及二司吏齋潔致敬。到所行禮。上等祠禮物古錢八貫八陌二十文。牛一隻古錢五貫。豕一口古錢七陌。羊一隻。古錢六陌。盤饌四對。每對古錢二陌三十文。共一貫。酒四樽。共古錢二陌三十文。飯果四盤。共古錢五陌。魚肉四盤。共五陌。好絳香四十株。共古錢四十文。中等祠神禮物古錢二貫四陌五十四文。羊一隻。古錢六陌。豕一口。古錢七陌。餽盤二對。每對古錢二陌三十文。

文。下等神祠禮物古錢一貫四陌三十三文。

箇。共古錢二陌四文。臘燭二雙。共古錢三十文。紙錢七百張。共古錢四十文。

豕一口。古錢七陌。酒三埕古錢一陌五十文。饌盤二對。每對古錢二陌三十文。共五陌。

飯米六箇。共古錢四十八文。好絳香二十株。共古錢十文。臘燭三雙。共古錢二十文。

★厲祭禮

聖仁宗太和七年立無祀鬼壇以時祭祀。

聖宗光順五年定厲祭牲禮物及上中下三等並依百神禮品歲命府官三時致祭著爲成例。

按王制諸侯祭因國之在其地而無後者蓋爲一國之主則鬼神攸屬故凡無主祀者必皆祭之不忍絕其祀也是禮復於黎初其後遵行不改誠所以存厚道也。

▲旗纛祭禮

遞年開印日樞密院欽傳欽天監預擇祭日請旨奉行敕旨掛粘并行欽傳欽送又安四鎮及高平府欽照行禮至期兵部預日畫圖照補諸分進傳圖次仍移禮部官整備祭品排設行禮前一日預告祭太廟殿廠宮廟敬天樓靖堂位天將銃位禮各金銀一盤至日祭祀太廟食盤四十盤沙牢一隻炊一盤敬天樓巨盃三品金銀美酒靖堂位天將銃位禮與廠宮廟同當年行譖位炊一盤猪一頭并美酒宋天王位管家都博大王位先師弓弩一位石象祠內靖聖將位禮並同上先師天雄位先師號令位先師把令位先師司天位禮物並同上先師本命位米盃十二品齋盤一面猪一口惟無金銀

天將銃位先師象位先師馬位禮物並同上惟無金銀磁鏡等物天公住宅位金銀磁鏡等物一百文燈磁面鏡等物

禮物同上

但無猪首。本位星將位。天將王母位。家祿童子位。

各盤十二品。齋盤

一面并金銀美酒。濬澤公延慶公二府祠。

熟食五盤。六盤。厚澤公昭

勳公二府祠。

熟食五盤。

▲行禮儀註

凡執事有稟預三四日。無執事者。早時就長信寺。待執事官行禮畢。就閣拜賀。其執事典禮官一員。司盥洗一員。上香官一員。宣告文官一員。展告文官一員。至日節制府預禮三壇。列聖壇。旗纛壇。行禮儀節如左。

節制府至壇門外。典禮官跪。詣拜位。叩鞠躬四拜。興平身。詣盥洗所。盥洗。帨巾。詣香案前。上香跪。三捻香。俯伏。興二拜。興平身。初獻禮。跪。俯伏。興平身。宣告文。旗纛壇唱宣祝。俯伏。興二拜。興平身。亞獻禮。跪。俯伏。興平身。終獻禮。跪。俯伏。興平身。復位。鞠躬四拜。興平身。焚告文。典禮官跪。啓禮畢。節制府御象長驅。及回象。百官拜賀。凡四坐堂文武上閣樓。拜賀王。上行四拜禮。朝官拜于庭下。節制府及坐堂文武侍宴畢。又行四拜禮趨出。

按旗纛之祭。始於宋初。至明設爲神祠。春秋遣官致祭。又命天下軍衛皆爲立祠。其牲牢品物。一與社稷壇同。京師所祭之神。旗頭大將天纛天神。五方旗神。金鼓角銃弓弩鎗石之神。蓋行軍以旗纛爲重。故以是爲祭名。我越旗纛之祭。始於黎初歷世。遵而行之。蓋亦本諸宋明之制云。

▲祈寧壇

司天預先擇日于敬天樓作壇。僧籙司奉行禮。番文官奉拜。其禮物共古錢四貫。四陌十四文。金鐵冥形在玉弄社例納。又于瓊林安子杏枝三寺。奉差懺悔。每寺古錢三貫。

司天預擇日奉設龍龕于宮廟右。奉御齋至酉時。僧籙司奉行法事。王親二員奉命拜御于青龍堂中。望拜位至滿歌禮畢。仍犒國公壇在行瓶坊。禮物共一百一十五貫十三文。其冥衣冥器樂土社納。

◎大謝禮

司天擇日奉事齋盤五十二盤。每盤四十鉢。及買辦禮物共五十八貫二陌三十二文。其冥衣冥器樂土社納。

按大謝小謝卽國醮之禮。蓋以禳除邪氣。默邀冥度。考之周時有大儺禮。方相氏執戈揚盾率百隸以儺。以索室竅疫。此禮卽其遺意也。唐宋以後古法不傳。元時始命僧籙入宮持呪。殊非正理。此禮卽僧行法事。其亦循襲於元制歟。

○護日月禮

前一日齋至日早。尙設司向日月食方。設昊天上帝皇地祇二位案于府庭。設傘四把于案之左右。設香案于前。設香鼎香盒桌子于香案之左右。設上香位于案前正中。設拜位于上香位之前。稍南設盥洗帨巾于拜位之右。設金鼓于拜位之左右。至時見日月有蝕。內差官入奏請行禮。皇上御出至前位立。禮官跪奏詣拜位。百官陪拜。以下全奏鞠躬四拜。樂作興平身。樂止奏詣盥洗位。奏盥洗奏帨巾。奏詣香案前。跪捧香二員跪進奏三捻香。奏俯伏興平身跪。內監官跪進鼓于左邊。典禮官奏

卷二五 禮儀誌

祭告禳誓之禮 盟誓禮

百二十

擊鼓三聲。御發畢金舉聲應之奏仍跪俯伏興平身復位。鞠躬四拜。樂作興平身樂止跪奏禮畢。金鼓再擊如初至復圓王上御宮中行禮。是日五府府僚詣府庭。奏侍文武百官詣乾元門外行禮。各處承憲二司並行禮于本衙門。其城諸市並禁屠牢三日。

★盟誓禮

李太宗天元年春二月立銅鼓山神廟于京師。行盟誓禮。初征翊等叛。前一日帝夢見神人自稱銅鼓山神語帝以武德東征且爲變可速調兵討之。卒有警備平其亂。是以王爵封之。命有司立廟于大安城右伴聖壽寺後。行盟誓禮。爲壇廟中讀誓書于神前曰。爲子不孝。爲臣不忠。神明殛之。羣臣自東門入歃血。以是月二十五日爲始。其後歲以爲常。

陳太宗建中三年宣盟誓條循李朝故事歲以四月四日鷄鳴時宰相百官詣城門外昧爽進朝帝御天明殿左廊廟門百官戎服再拜而退各具隊仗騎從出城西門至銅鼓神祠會盟歃血中書檢正皇誓書云爲臣盡忠居官清白有渝此誓神明殛之宣訖宰相點閱百官欠者罰錢五緡。是日士女觀聽如堵。以爲盛事。

太宗紹平元年春正月望後帝出較場觀大臣黎察等及文武內外百官告天地神祇名山大川刑白馬歃血盟誓。中興以後準定遞年會盟誓期。刑番照遵事例。移送各衙門遵行。立壇在中沙會盟。庶官歃血爲誓。其外鎮各地六番各照所屬移送行禮。仍差屬吏諸員就處盟誓。